

Unga siunnersuut: Akileraarutitik aqutsineq pillugu Inatsisartut inatsisaata allanngortinneqarnissaanut Inatsisartut inatsisaat

(Aningaasaqarnermut Aatsitassanillu Naalakkersuisoq)

Akissuteqaat

(Aningaasaqarnermut Aatsitassanillu Naalakkersuisoq)

Aappassaaneerneqarnera

Inatsisissatut siunnersuut suliarineqarnerani Aningaasaqarnermut Akileraartarnermullu Ataatsimiititalip suliaanut Naalakkersuisut sinnerlugit qujavunga.

Ataatsimiititaliami amerlanerussuteqartut inatsisissatut siunnersuut taperseraat Naalakkersuisut tusaatissatut tiguaat.

Unga inatsisissatut siunnersuummut atatillugu tusarniaanermut killigititaq naassimera Naalakkersuisut nassuerutigaa, siunissamilu akileraarnermut akitsuutinullu tunngatillugu piviusorsiornerusumik tusarniaanermut killigititanik aalajangiiniarput.

Siunissaq Ungasinnerusumut Aningaasaliinernut Aningaasaateqarfimmut tunngatillugu, Aningaasaateqarfik aningaasatigut missingersuusiornermi naatsorsuuserinermilu aaqquussinermut aningaasaateqarfiusoq, Nunattalu Karsianut ilaasoq ilisimatitsissutigisinnaavarput. Taamaattumik tassunga atatillugu siulersuisunik aammattaaq ulluinnarni aqutsisussanik aalajangiisoqarnaviannigilaq. Aningaasaateqarfik Aningaasaqarnermut Naalakkersuisumit aqunneqassaaq, aningaasaateqarfiullu aningaasaataanik agguaaneq ukiumoortumik aningaasanut inatsisip suliarineqarnerani suliarineqassallutik.

Taamatut oqaaseqarlunga Naalakkersuisut sinnerlugit siunnersuut Inatsisartunut suliarisassanngortippara.